



*Senin, 18 April 2022*

**Ogen: Johanes 21:1-14**



**AMBURKEN JALANDU**



Kenca Jesus keke, lit empat puluh wari dekahna IA i doni enda sope nangkih ku surga dengen kundul arah kemuhen Dibata i surga. Kai-kai saja si ilakoken Jesus sedekah empat puluh wari e? Jesus njumpai ajar-ajar, ncidahken ras naksiken kuasaNa bage pe mpetetap ukur ajar-ajar ndalani wari wari geluhna selaku ajar-ajar Jesus. I bas renungenta paksa enda ituriken maka Jesus njumpai ajar-ajarNa, dano Tiberias jadi inganNa njumpai ajar-ajar e.

Paksa e piga-pga ajar-ajar Jesus sangana pulung, janah ituriken Simon Petrus atena njala, i ikutken temanna sideban janah la iarpna kenca terang wari, Jesus enggo i tepi dano. Ertina Jesus tetap ngarak-ngarak ajar-ajarNa, amin la ietehna, la itandaina tapi iperdiateken Jesus. Pendahin ras perbebenna. Kalak si njala tentuna iarpkenna idatna nurung, e maka mbuka percakapen enda me si isungkun Jesus, kepeken la idatna nurung, itawarken Jesus guna dalam puluh i bas perbebenna si la rulih. Amburken jalandu ku kemuhen, enda me kata Jesus man bana. Luar biasa ulih kepatuhen nandangi Kata Jesus. Seh kal lalana nurung e idatna, lanai terintaksa pe. Tangtangna labo itandaina Jesus tapi kenca datna nurung e seh kal lalana, megermet ia, nina ajar-ajar si ikelengi Jesus e me Johanes man Petrus maka Tuhan kap si ngerana man bana e. maka ku tepi pantai ia, idapetina Jesus enggo nikapken nurung ras roti ibabo rara api.

Ieteh Jesus kai si iperluken ajar-ajarna, njala ndatken nurung, kenca bergehen i bas lau nari tentuna melihe, isikapken Jesus si man pangan. Bage me Dibata nandangi anak-anakNa, ieteh ras iangkaNa kai si iperluken kita, sope siukuri enggo leben isikapken Dibata, sope silakoken Dibata leben bertindak. Seh asa genduari kuasa Dibata la terukuri kita, e maka ula kal mbiar, ula eraru ate. Dibata ngkuhi geluhta.

✠ *Itehna kai Kam perlu, isikapkenna man banta*